



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Bonis Operibus Docto. Martini Lutheri Liber

Luther, Martin

Vuittemberge, 1521

VD16 L 7151

Decimotertio.

urn:nbn:de:hbz:466:1-33333

seruitus & cultura esse, neq; vlli operi alteri, vel nomen, vel ho-
norem huiusmodi permittere. Nisi quantū ipsa ei honoris im-
pertit. Quod tum facit, quando opus in & ex ipsa fit. Quod ma-
lum in veteri testamento est presignatum, quando Iudei deserto
tēplo offerebāt in alijs locis, in lucis & mōtib. Ita & hi faciunt,
solliciti & prōpti facere oīa, hoc capitale op⁹ fidei nūq; facientes.

DECIMOTERTIO.

¶ Vbi ergo nūc sunt, interrogantes, quæ sint bona opa, quid
facere debeant, quomodo boni esse debeant? Imo vbi sunt etiā,
dicentes, nobis de fide prædicantibus nulla nos opa docere, neq;
facere debere? Nonne hoc primum p^rceptum plus facit nobis
negotij, quam quisq; possit implere? Nam si vnus homo mille
homines, vel omnes homines, vel omnes esset creaturæ, ipsi ta-
men hic satis esset impositum, & plus quam satis, dum ipsi p^r-
ceptum est, semper in fide & fiducia erga deum viuere & p^r-
grinari, neq; fidem in quempiam alium ponere, & ita vnū dum-
taxat, eumq; verum deum habere. Quum ergo vita & natura
humana ne momento quidem possit esse sine vel factō, vel de-
lictō, passione vel fuga (Neq; enim vita, vt videmus, vnquam
conquiescit) Itaq; incipiat quicumq; velit probus esse, & plenis
bonorum operum fieri perpetuo in hac fide, discat assiduo om-
nia & facere & dimittere in eiusmodi fiducia. Ita enim inueniet
quantum habeat negotij, & quā omnia in fide consistant. Neq;
vnquam posse in ocio esse, quando ocium quoq; in fidei exer-
cicio & opere fieri necesse est. Et breuiter, nihil in nobis, vel esse,
vel perire & concidere potest, credentibus vt debemus, omnia
deo placere. Tum enim non possunt non esse & bona & meri-
toria. Ita ait S. Paulus, i. ad Cor. 10. Fratres siue igitur editis, si-
ue bibitis, siue quid facitis, omnia in gloriam dei facite. Non aut
potest fieri in nomine eodem, nisi eadem fiat fide. Item ad Ro.
8. Scimus quoniam diligentibus deum, omnia cooperantur in
bonum. Ideoq; verbum dicentium, bona opera esse prohibi-
ta, nobis fidem solam prædicantibus, perinde est atq; si me dis-
cente egroto cuiquam, si haberes sanitatem, haberes & omnia
membrorum opera, sine quibus omnium membrorum opus
est nihil, ipse ex hoc intelligeret, me opera membrorum prohibi-
uisse. quum tamen mea sententia fuerit, vt sanitatem oportere
& esse & operari omnia opera omnium membrorum. Ita debe-
re esse fidem opificem, architectum & ducem in omnibus ope-
ribus. Alioquin enim opera prorsus esse nihil.

Similitudo
elegans.